

# SCRIPTA

---

**Numéro Scripta :** 4721

**Auteur(s) :** Luc, Évreux (évêque)

**Bénéficiaire(s) :** Pont-de-l'Arche, Notre-Dame de Bonport (abbaye)

**Genre d'acte :** charte

**Authenticité :** non suspect

**Datation :** 1206

**Lieu d'émission :** Évreux

**Action juridique :** autre

**Langue du texte :** latin

## Analyse

L'évêque et l'archidiacre d'Évreux reconnaissent que les religieux de Bonport ont le droit de sèche-moute sur les hommes de Poses.

## Tableau de la tradition

### Éditions principales

a. Andrieux Jules, *Cartulaire de l'abbaye royale de Notre-Dame de Bon-Port de l'ordre de Cîteaux au diocèse d'Évreux*, Évreux, Hérissé, 1862, n° XL, p. 37-38.

Texte établi d'après a

Universis Christi fidelibus, ad quos presens scriptum pervenerit, L., divina permissione, episcopus, et Willelmus, archidiaconus Ebroicensis, salutem. Cum inter abbatem et monachos de Bono Portu, ex una parte, et homines de Posis..... Willelmum Anglicum, Durandum de Pressorio, Nicholaum, fratrem ejus, Nicholaum Hubert, Radulphum Blondum, Petrum Burgensem, et Remegium, ex altera, super quibusdam serviciis et quadam molta, coram nobis, auctoritate apostolica, controversia verteretur, partibus in nostra presencia constitutis, facta litis contestatione, testibus etiam prout decuit ab utraque parte receptis, cum ex confessione procuratoris dictorum hominum, ipsis presentibus, sollempniter in jure facta, tum etiam ex testium depositionibus nobis legitime constitit, quod monachi de Bono Portu, a predictis hominibus et aliis rusticas terras apud Posas colentibus habere consueverant siccam moltam, quando extra terras illas bladum deferebant, et, quando in molendino illorum non molebant, faciebant etiam monachis hec servicia : falcabant, colligebant, ducebant fena monachorum, vindemiabant vineas, ducebant vina, removebant molendinum eorum. Postpositis igitur frustratoriis quorundam appellationibus, cum in commissione vobis facta remotum esset appellationis obstaculum, quin predicta molta et servicia per aliquantum tempus ab eisdem hominibus subtracta fuerant monachis et detenta, habito prudentium virorum consilio, pronunciamus eadem dictis monachis restitui debere pro nominatis hominibus : auctoritate apostolica firmiter injungentes, quatinus pro detentis serviciis et molta estimationem restituerent, cum taxatione nostra fratrum ipsorum juramento probatam, scilicet quatuor libras turonenses.

Actum apud Ebroicas, anno Verbi incarnati millesimo ducentesimo sexto, sexta feria post festum Sancti Martini.